



-A actriz e escritora Paula Carballeira participará na actividade organizada por Espazo Lectura

Na noite do sábado 1 ao domingo 2 de xuño Espazo Lectura organiza na Biblioteca Municipal de Gondomar a VI Noite na Biblioteca, con actividades que este ano estarán dedicadas ao poemario **Contatrás**, de Paula Carballeira, no cal está baseado o espectáculo **Contatrás** que a propia Paula Carballeira, xunto co actor Chiqui Pereira, representarán na biblioteca ao fío da media noite.

Por coincidir a data co acto de peche das escolas deportivas municipais de Gondomar, nas que participan moitos dos nenos e nenas que asisten tamén ás actividades de Espazo Lectura, este ano, excepcionalmente, non se van ofrecer as actividades da tarde abertas ao público que se organizaban en edicións anteriores e habrá só actividades nocturnas para os nenos e nenas que queden a durmir. Os nenos e nenas que se inscribiron chegarán á biblioteca entre as 21:30h e as 22:00h, logo de cear, e participarán en diferentes actividades: un xogo de presentación, unha xincana poética con xogos relacionados cos poemas de **Contatrás** e o espectáculo poético a cargo de Chiqui Pereira e Paula Carballeira, actriz, contadora e escritora, autora do libro protagonista da noite.

O 1 e 2 de xuño celébrase en Gondomar a VI Noite na Biblioteca con Espazo Lectura.

Escrito por Redaccion @valminorinfo
Venres, 31 Maio 2013 09:59

Os nenos e nenas inscritos na actividade deben traer saco de durmir, un pixama, unha muda e as súas cousas de aseo. Ademais de moitas ganas de divertirse e de pasalo ben lendo e xogando cos poemas e coas historias de Paula Carballeira.